



امور داخلیه

در بمنزرتعالی حضرتتلی عمر و اقبال حضرت شهنشاهی بی روز افزون پیورسون مجددیت سنی شاهانه وعقل فلاطون پسند پادشاهانه لری اقتضاسنجه دائمرا دخیبریت اعتیاد ملوکانه وهمت بلند رتبت تاجدارانه لری خصوصیات خبریه وامور نافعیه به معظوف ومصرف اولدیغی مثللو بعضی دول فحیمه نزدینه تعیین سفرا پیور مقصدن مقصود معالی نمود خلافتیناهی لری دخی هم قواعد دولیه دن اولدیغی اوزره دول مشارالیم ایله تأیید دوستی وموالات وتشبید روابط ود ومضافات پیور مق و هم خدمت سفارته بولسان یتدکانه کسب معلومات ایتدرمک نیت عالییه سندن عبارت اولوب حالا امور خارجیه نظارت جلیله سنه زینت افزا اولان دولتلو مصطفی رشیدیک آفندی حضرتتلی مقدما فرانسه وبعده انکلتزه دولتلری نزدینه وایدن مشیری عظوفتلو احد ققی پاشا حضرتتلی دخی اوستریا دولتنده سفارت خدمتمنده بولندقلرندن طوغریسی ایکبسی دخی غیرت ایدرک فرانسه لساتی واوروپا نك هر بر اصول لازمه سنی تحصیل چالششم ایسه لرده مشارالیمها حضرتانک برمدتجک دها اور وپاده بولملری تقدیرنده هر وجهه اکیال معلومات ایدجکری ووقوف سابقلری جهتیه مدت اقامتلرنده امور سفارتی دخی لایقیه اداره ایلیه جکری نزد معالیوفد حضرت شهریاریده ثابت ومبین اولقی حسبیه مشارالیمها دن خارجیه نظری مشارالیه حضرتتلیک سایه شوکتویه جناب تاجداریده حائر اولدیغی مشیرلک عنوان جلیلی وزارت رتبه عالییه سنه دخی شامل ایسه ده شیه فحیمه چاکر پروری وعنايتکستری جناب تاجداریه مبتعاسنجه ناظر مشارالیه حضرتتلی حقنده لامع الانوار اولان نیر توجهات مکارم آیات حضرت جهانبانی برقاندخی اشعه نثار اوله رق بودفمه عواطف مالانهایه جناب کتی ستانیدن کندوسنه پاشالق عنوان والاسی دخی احسان ویکان خارجیه نظارتی عهدیه سنده اولقی ومدت غیابنده امور نظارت رجال دولت علیه دن حالا خارجیه مستشاری سعادتلو نوری آفندی معرفتیه رؤیت اولقی اوزره یوک ایلیچیلک ایله فرانسه دولتی نزدینه ماموریتی امر وفرمان پیوریلوب مشارالیه ققی پاشا حضرتتلیک عهدیه سنده بولسان ایدین ایالتی مشیرلکی دخی کافی السابق ابقاباله طرقلرندن قائمقام ایله اداره قلنقی اوزره مشارالیه حضرتتلیک دخی لوندره سفارتنک احاله سی خصوصیه اراده سنی حضرت ملکداری متعلق پیورلش اولدیغندن اشو ذی القعدة الشریفه نك ایکنجی کونی حضور صدراعظمیه ایکبسنک دخی ماموریتلری اجرا واعلان اولنه رق بویکیفیت دخی مشارالیمها حققرنده عنایت عظمیه واونه دنبرو نائل ومستغرق اولدقلری الطاف سابقیه علاوه فائقه اولغله مواظبی اولدقلری دعوات خبریه حضرت پادشاهی بی تکرار ایتکده درلر وشمیدین تدارکات سفریه لرینک تنظیمه شروع

ومباشرت برله بمنه تعالی اول بهاره طوغری ماموریت جدیدیه لری جائینه عزیمتلی مصمم اوله رق بمنه تعالی وقت حرکتیه قدرامور خارجیه نظری مشارالیه حضرتتلیک ینه شمیدیک کی مصالح نظارتی بالذات رؤیت ایدجکی مثللو مشارالیه ققی پاشا حضرتتلیک دخی همان شمیدین منصبی جائینه کیدوب یکرمی اوتوز کون قدر اقامتله اورانک اخصوصا یت یولنه قویه رق بعده بو طرفه عودت ایلمی اراده سنی اقتضاسندن اولغله مشارالیه همان حرکت وعزیمت ایتک اوزره بولمیشدر وناظر مشارالیمک بمنه تعالی پارسه وصولنه اقدر اوراده مصلمتکذار اولان طلعت آفندیک ینه اجرای ماموریت ایدرک بعده بوجانبه عودتی لازم کله جکی مثللو الحاله هذه سفارته لوندرده بولسان رجال دولت علیه دن سعادتلو صارم آفندیک دخی کذلک خلفنک ورودینه قدر اوراده توقف واقامت وایفای خدمت سفارت ایلمی ایجاب ایدجکندن انلره دخی وصایای لازمه یازمیشدر

موارد عسکریه

جناب نظام بخشای جهان تترت ذاته عن العجز والتقصان باعث انتظام عالم وسبب سایش کافه ام ولی نعمت بیمنتر شهنشاه دارا خدم آفندیک حضرتتلیکینه نوکنز عمر وعافیت احسانیه عساکر منتظمه شاهانه لرین مانند انجم درخشان تکثیر وفروان پیورسون آمین سایه عدالتویه حضرت جهانباندریده بالجمه عبادک حصول کمال امن واسایش وراحتلری مجرد نظامات حسنیه وقوانین مستحسنة مجددا نلری آثار جلیله سندن اولدیغی جله عندینه معلوم ومسلم وممالک محروسه شاهانه واستانه شوکت اشیانده مستخدم عساکر منتظمه ملوکانه نك نوبنو خدمات مبروره لری مشهود انام اولمقده وپونم جلیله نك تشکر یله برابر دعوات خیریه جناب خلافتیناهی مرفوع بارگاه خداوند علام قلنمقده اولدیغی وارسته قیدارقام ایسه ده افتاب جهانبانیدن قره وچریکراندن قطره مثللو بودفمه وقوعبولان حسن حرکت واستقامت مقبوله وما ترحق شناسی عسکریه دن اولقی اوزره عساکر منتظمه شاهانه الایترندن باب سرعسکریده اقامت اوزره اولوب قراوله مامور اولان میرلوا عثمان پاشا لوانسک برنجی الایندن درعلیه ده اقسرایده کائر قراوله مامور اولان ضابطان ونفرا تدن الای مذکورک برنجی طابورینک بشخی بلوکنده برنجی اونباشینک دردنچی نفری زعفرانبوری سنجاخنه تابع یکیکجه قضا سندن یورطان قریه لی همت اوغلی احمد نام نفر در سعادتده اقسرای جاده سنده برکبسه دروننده درت عدد قرقلق وپوز التمش یدی عدد یکرمیلک وایکی عدد اولقی وپوز قرق اوج عدد اوچلک التونی ایله مصطفی اسمنده برمه بولوب در عقب باب سرعسکری یه کتوروب یوک ضابطنه اعطای کیفیتی افاده وانبایتمش وجهه وقوعات معلوم مکارملزوم حضرت خلافتیناهی پیورلوق ایچون زورنالانک تقدیمی اصول نظام ثریا انتظامدن بولنش اولقی



ملاسه سبله تقديم قلنان و قوعات زورنالی منظور معالجو فور حضرت باجداري
يوريلوب نفر مر قومك بووجهله صدق واستقامتي موجب محظوظيت عال
اوله دق نفر مر قومه عطيه سنه شاهانه احسان و زريع رتبه سي خصوصيه
امر و فرمان يورلش اولديغندن نفر مر قومه حسب النظام شديك اوباشي
نشان اعطا اولمش و مبلغ مذكور تاجر اصنافدن مسن و اختيار مصطفي نام
كيسنه نك اولديغي استخبار اولنه دق مر قوم باب سرعسكري به جلب ايله
مبلغ مذكور حضور حضرت سرعسكريده بالعداد كندوسنه تمام تسليم
اولندقد زائد عمر و اقبال شاهانه و توافر عساكر منتظمه پادشاهانه ادعيه
فر بيه سني رقت درون ايله ياد و نذكار ايلش و واقعا نفر مر قومك بووجهله
حركتي شرع شريفه مطابق و بوجهته تحسين و افرينه لايق و نظام مستحسنه
موافق اولمغله همان جناب پروردگار شوكتاب كرامتصاب خلد ملكه
الي يوم الحساب افنديم حضرتلري كمال سرور و عافيله سرپر شوكتصير
ملوكاه زنده دائم و برقرار و عساكر منتظمه شاهانه لري كون بكون متر ايد
وبي شمار يورمق دعوات اجابت اياتي بتكرار ياد و نذكار قلنش اولديغي
صحيفه تقويم و قايعه دخی درج اولمشدر

سلسره ايلتندن مرتب رديف عساكر منصوره طابوري عساكر منصوره
ترنجي اوزره اوج طابور اوله دق زيب و تنظيم و علاوه سي اقتضاليدن نفراتدخی
تحرير و ترقيم اولنديغي و طابور مذكور ييكباشيسي بولنان مصطفي اغا و صاغقول
اغاسي اسمعيل بك و طابور مذكور ايكنجي يوزباشيسي حسين اغا غيرت و دراييت
اصحايدن بولندقلرندن فضله بالجملة عساكر واهالي مومي اليهمدن خشنود
وراضي اولدقلى يانيله مومي اليهمدن مصطفي اغا نك اشوتنظيم اولمش اولان
سلسره رديف الاينه ميرالاي و اسمعيل بك قائمقام و حسين اغا نك برنجي طابوره
و حالا جمعه عتيق اعياي درگاه عالي قيوجي باشلرندن مصطفي بك برادري
سعيد بك مستقيم الاطوار اولديغندن انك ايكنجي طابوره و باباطاغی و ايساچي
اتهای حدود ايلانده بولنديغندن اوحواليدن مرتب نفراتك ضبط و ربطي
خصوصلرينه اعتنا و دقت ايلك اوزره اورازده بريوك ضابطلرينك بولمسي
ايچاب حالدن اولديغندن و حالا ايساچي اعياي متوفي ايوب پاشا زاده
مراد بك حسن سلوك و استقامتدن و تعليم و فاعله كمال خواهش و ارزوسي
بولنديغندن بمحله ميرمومي اليهك دخی اوچنجي طابوره ييكباشي نصب و تعيين
خصوصي سلسره اياتي مشيري عطا و قتلو سعيد پاشا حضرتلري طرفندن
يا تحيرات انها و التماس اولمش اولوب رديف عساكر الايلرينه نصبي
اقتضاليدن بيوك ضابطانك برندن برينك عساكر موفقه شاهانه دن نصبي
قرار كير اولان نظامي اقتضاسندن اولق و پياده عساكر منصوره ميرلوارندن
داود پاشا لوانسك برنجي الاينك الاي اميني ابراهيم بك شجاع و جسور و اداره
و قومانده عسكريده غيرت و استقامتي بديهي الظهور بولمق حسبيله مومي اليه
ابراهيم بك اشوسلسره رديف الاينه ميرالاي و مومي اليهمدن مصطفي اغا نك
قائمقام و اسمعيل بك برنجي طابوره و حسين اغا نك ايكنجي طابوره و مراد بك
دخی اوچنجي طابوره ييكباشي نصب و تعيين

وا درنه ايلتندن مرتب رديف عساكر منصوره الايلرندن برنجي الايك ميرالاي
بولنان معمر بك بودفقه مجددا كشاد اولنه دق ميان تو جهات اكسيرايات
حضرت خلافتناهي ايله اكمل و تنظيم اولمغه اولان پياده عساكر منصوره
طفوزنجي الاينه ميرالاي تعيين يورلش اولديغنه مومي اليهك برينه برينك

ميرالاي نصب و تعيين لازم كلس و طرابلس غرب جابنده بولنان عساكر
منصوره اونجي الاينك ميرالاي اولوب مقدمه ججه اسناديله درعليه به كوندلش
اولان طوسون بك عقد اولنان مجلس ديوان حريده قانو نسامه همايونيه
مغايير كونه حركتي ظهوره كلامش اولديغي تين و تحقق ايلش اولديغندن
مومي اليه طوسون بك سالف الذكر ادرنه رديف برنجي الاينه ميرالاي تعيين
خصوصلري با عرض سرعسكري خاكي همايون شاهانه دن اسنيدان
اولمش و شرفسنوخ و صدور يوريلان اراده سنه حضرت ملوكاهه موجبجه
مومي اليهك مأموريتلري حاوي اقتضاليدن اوامر عليه اصدار و تسليار
و قليچلرينك اعطاسنه ايتدار قلنشدر

ميرلوا حيدر پاشا لوانسك برنجي الاينك ايكنجي طابوري ييكباشيسي مرغا بولندن
مقدمه عساكر منصوره طقوزنجي الاينه الاي اميني نصب يورلديغندن مومي اليهك
برينه لواء مذكورك برنجي الاينك اوچنجي طابوري صاغقول اغاسي مصطفي اغا نك
يكباشي و عثمان پاشا لوانسك برنجي الاينك اوچنجي طابوري ييكباشيسي احدا
بولندن مقدمه الاي مذكوره الاي اميني نصب يورلش اولديغندن
مومي اليهك برينه عساكر بحريه برنجي الاينك درديجي طابوري صاغقول اغاسي
رفت اغا نك ييكباشي و رشيد پاشا لوانسك ايكنجي الاينك اوچنجي طابوري ييكباشيسي
مصطفي بك دخی قائمقام نصب يورلديغندن ميرمومي اليهك برينه طابور
مزبورك قول اغاسي محمد اغا نك ييكباشي و علي پاشا لوانسك برنجي الاينك درديجي
طابوري ييكباشيسي علي اغا ارئحال داريقا ايلش اولديغندن برينه طابور
مزبورك صاغقول اغاسي حسن اغا نك ييكباشي نصب و تعيينلري

و عساكر خاصه شاهانه ميرلوارندن اولوب مقدمه لوالخي رفع اولنه دق
متقاعد بولنان بكر بك عساكر منتظمه شاهانه سلكندن اخراج اولنديغي
كوندنبر و مبتلاي حزن و ملالت اولديغي يسانيله كلكان استخدام اولمق
تضرعيله خلقه جنبان باب استعطاف و استرحام اولديغندن و كندوسي
امكدار و دراييتكار بولنديغندن بودفقه حقه عفو عالي ارزان يورلش ايدوكنه
بناء ادرنه ايلتندن مرتب رديف عساكر منصوره ايكي الاي اولوب بر ميرلوا
نصب و تعيين يورلسي لازمه دن اولق و ميرمومي اليه دخی فلبه لي بولمق
ملاسه سبله سالف الذكر الايله ميرلوا نصبي مناسب كور نمش ايدوكندن
اولوجهله اجراسي

و ميرلوا ميرزا محمد پاشا لوانسك ايكنجي الاينك برنجي ييكباشيسي علي بك
بولندن مقدمه الاي مذكوره قائمقام نصب يورلديغندن الاي مذكوره
بر ييكباشي نصب و تعيين لازم كلس والاي مذكور صاغقول اغاسي عارف اغا
درايتكار و فن تعليمده مهارتي نمودار ايدوكندن ايكنجي ييكباشي بولنان برنجي
اولق اوزره مومي اليهك الاي مذكوره ايكنجي ييكباشي تعيين تنسيب قلنش
اولديغندن اولسايده جانب والاي حضرت سرعسكري يدن تقديم قلنان
معروضات بهيه سرعسكري موجبجه خاكي همايون جناب ملوكاهه دن
بالاسنيدان مومي اليهمدن اقتضا ايدلره نشان و قليچلرينك اعطاسيله
هر برينك مأموريتلري حاوي اوامر شريفه نك اصداري خصوصلرينه
اراده سنه حضرت شاهانه متعلق يورلش و منظوق مني اوزره
اقتضاري اجرا اولمشدر